



TOK SAVE

Niupela Patnasip Bilong Nex Twenti Yia: Prosperiti Wantaim, Responsibiliti Wantaim

Long ol Papagraun na ol Komuniti bilong Porgera:

Eprol 9, 2021 em bai yumi tingim olsem bikpela samting insait long developmen bilong risos sekta bilong Papua Niugini na relasensip bilong kantri wantaim ol bikpela intanesnol kampani. Em opim tu niupela sapta insait long histori bilong Porgera veli na gutpela sindaun we i orait long kamap aninit long patnasip namel long Porgera main na yu, ol neiba bilong mipela.

Olsem plenti bilong yupela lukim long nius, long wanpela kibung kamap long Gavman Haus- we ol witness em bin ol Porgera papagraun, Praim Minista Marape, Gavana Ipatas, ol arapela minista na niuslain bilong kantri- em Steit na Barrick Niugini Limited (BNL) bin sain long Fremwok Agrimen bilong Niupela Porgera Projek.

Dispela historik agrimen givim bikpela moa ownasip na ekonomik benefit igo long ol PNG stekholda, na long wankain taim bai mekim save long givim fair return igo long ol BNL investa, Barrick na Zijin. Wanbel long ol dispela tems kamap bihain long sixpela mun bilong ol toktok, na askim long kamapim wanpela niupela Porgera join vensa kampani we PNG bai papa long en long 51% na BNL 49% wantaim 53% - 47% serim bilong ol ekonomik benefit we em gutpela moa long PNG. BNL bai stap yet olsem opareita inap ten yia moa. Olsem ol hap-papa bilong kampani, PNG na BNL bai bihainim wanpela tingting long interes bilong tupela wantaim long lukim Porgera develop long igat gutpela moa sindaun bihain taim long benefit bilong ol stekholda, na long ol papagraun na komuniti husait givim main sosol laisense long ron. Kamapim niupela patnasip wantaim ol neiba bilong mipela em bai nambawan samting.

Antap long moa ekwiti na dividen, wanpela bikpela moa grup bilong ol papagraun bai benefit long bikpela moa royalty na bai serim wantaim bikpela komuniti aninit long wanpela niupela Porgera developmen fund we bai putim bikpela moni long ol million igo insait long ol gutpela lokol projek we ol ken

kamap gut na we ol menesim gut tru long en. Na tu mipela olsem kampani i komit long putim igo pas na growim ol lokol kontrakta na bisnis na long hireim ol Porgera wonem taim mipela ken long en. Porgera ino holim tasol potensol bilong kamap wanpela bilong ol moa profitabol gol main insait long wol, em bai kamapim platfom bilong trenim na promotim ol Porgera na ol narapela lain Papua Niugini long join wantaim sampela bilong ol best woklain bilong main na ol mainin lida insait long wol. Wantaim BNL olsem opareita, Porgera bai dabolim ken komitmen bilong en long stap olsem wanpela risponsibol stewod bilong envoironmen, na bai maximaise long ol tax, dividen, kontrak na ol wok we em ol engine bilong ekonomi na ken kamapim senis bilong gutpela moa sindaun.

Promis bilong Porgera em BNL wanpela tasol nonap long kamapim. Antap long ol ki wok na komitmen we nesol na provinsol gavman mas fulfilim, wok bilong mekim save long success bilong niupela Porgera em bai sindaun antap long sol bilong yupela. Olsem mipela olgeta luksave, Porgera igat ol sosol salens we ino niupela long ol ples igat main insait long PNG, tasol save afektim ol main long olgeta hap long wol. Iligol mainin em wanpela hevi we ino save stealim tasol ol benefit we ol main stekholda sapos long serim long en, tasol em save putim seifti na laif bilong ol iligol maina yet long risk bilong eksiden o long pundaun. Bikpela moa em olsem pasin bilong iligol mainin save bagarapim sosol oda na stopim developmen bilong ol komuniti.

Mipela nonap long bihainim yet ol olupela pasin na mipela bai nonap ekseptim tu olsem ol dispela pasin ken kamap yet. Long kisim moa sekuriti na wok polis em ino wei bilong stretim tu, tasol wok bilong daunim lo na oda mas kamap yet long komuniti bai stap gut.

Gutpela moa wei em long kamapim wok tru na transparent patnasip aninit long strongpela wok bung namel long kampani na ol papagraun na ol komuniti lida, we bai givim promis long gutpela moa wei bilong laif na ino pasin iligol maina. Mipela nidim ol lida bilong Porgera long sanap pas na wok wantaim mipela long skulim na surukim dispela toksave igo long olgeta kona bilong ol komuniti bilong mipela.

Mipela givim komitmen olsem mipela bai bihainim dispela wei long olgeta wok bilong mipela wantaim komuniti na long taim bihain dispela bai kamapim ol strongpela relasensip igat trust wantaim ol wanwan konstituen grup. Sampela taim bai mipela nonap mekim ol gutpela toktok igo kam long mipela yet na dispela em orait tasol mipela mas tokaut klia long ol belkros o hevi bilong

mipela wantaim pasin bilong rispekt na wantaim wanpela tingting – em long kamapim gut Porgera, osem risponsibol mainin long benefit bilong olgeta konstituent stat wantaim ol pipol bilong Porgera distrik.

Sainin bilong Fremwok Agrimen em stat tasol bilong wok bilong mipela. Long ol mun i kam, ol dokumen wantaim olgeta toktok bilong implementasen em mas komplete na ol kodisen em Steit na BNL mas fulfilim pastaim long main ken stat ken. Bihain long dispela kamap em BNL ken kamapim ol plen bilong kisim ken sampela ol thousand Porgera na ol narapela lain Papua Niugini long kam wok taim main em opareit ful ken.

Sapos olgeta samting igo orait, lukluk bilong mipela em long statim ken main long bihain long dispela yia. Em bai inonap wanpela liklik wok. Tasol osem patna bilong yupela na hap owna, mipela komit long wokim wok bilong mipela long niupela Porgera bai kamap long lukim dispela bikpela potensol na givim value igo long ol pipol bilong Enga, Papua Niugini na ol siaholda bilong BNL. Dispela ken kamap tasol wantaim equol komitmen kam long yu, ol poroman bilong mipela, famili, wanwok na ol neiba.

Mark Bristow
President na CEO
Barrick Gold Corporation